



Minggu, 18 Desember 2022
Ogen: Lukas 15:11-24



"Mekuah Ate"



Penulis pernah megi sekalak kemahen Tuhan ngerana nina:
"Keleng ate lanai nginget-ninget kesalahan dengen keleng ate
ngasup ngalemi kesalahan si ibahan kalak man bana." Si enda banci
idalanken adina pusuh perukuren dengen pemikirannta i demi alu
Kesah Si Badia.

Perumpamaan kerna anak si bene enda pe ncidahkan kerna
kekelengen sekalak bapa si dem keleng ate dengen perkuah; si la
mpebelin-belin kesalahan anak singuda dengen bapa nggit ngaloken
ras ngalemi kesalahan si nggo i bahan anakna man bana. Anak
singuda nggo erbahan kesalahan si mbelin kel man bapana, alu
mindu pembagin si kin lenga perlu ibagikan. Belinen kepe keleng
ate bapa asangkan kesalahan si nggo ilakoken anakna man bana.
Keleng atena e la icidahkan asum ia kiam ngalo-ngalo anakna saja
tapi pe bapa e erbahan pesta si mbelin, makeken uis si mejilena
dengen makeken cincin ku jari-jari anak singgo mulihken man bana.
Ayat 24 "Sabap anakku enda nai nggo mate, tapi gundari enggo
nggeluh mulihi; ia enggo bene, tapi genduari enggo mulihken."
Mbelin kel keriahen sekalak bapa asum idahna anakna jera dengen
mulihken arah kesalahan singgo pernah ilakoken anak e.

Perumpaan enda encidahkan biak Dibata Bapa si sembah kita, e me
Dibata Bapa si dem keleng ate ras perkuah. Dibata Bapa si perkuah
si la nginget-ninget dengen mpebelin-belin kesalahannta. Keleng
ate ras perkuah ate Dibata e teridah arah Ia ngendesken KesahNa
gelahna kita tetap terkelin ras ndatken kejuah-juahen. Meriah ukur
Dibata asum iidahna anak-anakNa jera dengen mulihken kempak Ia.
Perkuah ate Dibata erbahan kita ndatken keselamatan, kita si nggo
"mate" ndube banci "nggeluh" mulihken erkiteken perkuah ate ras
keleng ate Dibata. Keleng ateNa e erbahansa kita tetap nggeluh alu
mejuah-juah, erkiteken mekuah ateNa maka kita banci denga
ndatken kegeluhenta selaku anak-anak Dibata.

"Mulihlah kempak AKU; sabab AKU Perkuah dengen Perkeleng"